

فالفترض

عارف ظلمتك معايا باختياري الصعب
و انا كنت دوغري معاكي م الاول
و صريح معاكي لحد ابعد حد
قولتيلي ليه؟
مش عايزة غيرك حد
قولتيلي ليه؟
انت الامل و الروح
و كان من الافضل وقتها اني اروح
و كان من الافضل وقتها محلمش
و لا كنت هتعشم في الواقع الملعون
و لا كنت هندم بالدموع و الدم
مين اللي قال ان اللي بيننا أهم

من كشف دكتور النساء؟
مين اللي قال ان الحياه بالحب
وحده .. تبقى كويسه؟
مين اللي فهمنا
ان الكلام الحلو هيسد الايجار؟
و ان الدولار
عمره ما هيمس الدوا
و ان الهوى
بيداوي قلب المجروحين
طب ليه احنا كنا مصدقين؟
و ازاي هنعشق و البطون خاويه!
و ازاي هنفرد و اللحاف ع القدا!
فالنفترض ان اللي كان ده مكانش
فالنفترض ان النصيب مأذنش
مش كان زمانك نسيتي بعد اول شهر
و عيشتي بعدي عيشه م اللي بجد